


LE  
GENEREVX  
FRANÇOIS.

M. DC. XLIX.







L B

# GENERE V X

## FRANÇOIS.



Euple cest à ce coup qu'il faut prendre  
courage,

Et qu'il vous faut paroistre à la poin-  
te du iour,

Au combat glorieux pour empescher l'orage  
D'un Prince furieux plus cruel qu'un vautour.



Il veut des innocens en faire ses victimes,

Il veut plonger la main dans le milieu des  
cœurs,

De nos chers protecteurs qui punissent les  
crimes,

Pour vanger l'Estranger qui cause nos malheurs.







Il veut tout emporter au peril de sa vie,  
Il viole sa Foy, & supprime les Loix  
Pour maintenir vn monstre esclous dans l'Italie,  
Quimet en grand hazard le sceptre de nos Roys.



Il veut du Parlement abbattre la puissance  
Pour conseruer l'esclat d'vn lasche Fauory,  
Et ne veut pas souffrir mesme que sa prudence  
Venge de nostre Roy l'Estat presque pery.



Il engage sa foy, pourueu qu'on luy accorde  
De gouuerner en Roy, & mesme son credit,  
De nous faire crier bien-tost misericorde,  
Et veut surprendre ainsi de la Reynel'esprit.



Voyons dōc ses motifs, & ce qu'il veut pretendre,  
Ce



5

Ce que l'on doit iuger de ce Prince du sang,  
De plaire au Mazarin, d'auoir quitté la Flander  
Pour perdre les François, c'est violer son rang.



Son esprit agité, & son cœur plein d'enuie  
Luy causera bien-tost vn funeste accident,  
Si Dieu par sa bonté ne mesnage sa vie  
Pour la sacrifier aux yeux de l'innocent.



Sept ou huit fastieux, l'Abbé de la Riuere,  
Le Cheualier de lars, le Grand Maistre & Tellier,  
Le Mareschal Destré, Bottru & Semeterre,  
Lesuiuront de bien pres avec le Chancelier.



Sus donc mes chers François, soyés tous genereux,  
Cherissés tous les Loix, chassez ces Partisans,  
Maintenés -vous vnis, & vous ferez heureux  
Aymés tous vostre Roy, punissés ces meschans.



Faites-en la iustice, il vous est bien facile  
Vous y deués penser pour vostre seureté,



Il faut perdre ce Iule, & qu'il sorte la ville  
Si vous voulés iouïr de vostre liberté.



Chassons de ce pays ces Nations barbares,  
Chassons ces Allemans ennemis des mortels,  
Chassons ces Polonnois, ou plustost ces Tartares  
Qui nous viennent piller iusques sur nos Autels.



Pour vaincre ces meschans qui violent nos fêmes,  
N'espargnons nostre sang, secourons nos Cefars,  
Nous leur ferons sentir la rigueur de nos armes,  
Puisqu'ils n'ôt point de Dieu que celui des hazards.



Nous esperons du Ciel vn secours fauorable,  
Et qu'il protegera tous ces cœurs genereux,  
Puis que la cause est iuste, elle est ineuitable,  
Nous les ferons perir malgré les enuieux.



Dieu, nous vous demandons vostre sainte assistance,  
Et c'est à deux genoux que nous vous implorons,

7  
Conseruez nostre Roy, & faites que la France  
Fleurisse desormais, & conserués les bons.

F I N



Geographical Names of the  
Islands of the Pacific

FIN